



LINDÅS KOMMUNE

Eining for stabs- og støttetenester
Besøksadresse:
Telefon: 5637 5000 Telefaks 5637 5001
Postadr.: Kvernhusmyrane 20, 5914 Isdalstø
E-post: postmottak@lindas.kommune.no
Heimeside: www.lindas.kommune.no
Kartside: www.nordhordlandskart.no
Org.nr: 935 084 733 Bank: 6501.06.91790

NVE

Naustdalsvn. 1B
6801 FØRDE

Dykkar ref. Sakshandsamar:
Tove Mette
Fyllingen

Vår ref. Telefon
2010/748 - 0 -
16769/2010 56 37 51 75

Arkivkode: Dato:
S10 21.06.2010

Melding om vedtak

Søknad om løyve til Dyrkolbotn Kraftverk, høyring

Vedlagt fylgjer saksutgreiing med vedtak.

Med helsing


Tove Mette Fyllingen
administrasjonskonsulent

200800412-16

DER DRAUMAR BLIR RØYNDOM





Arkiv: S10
Saksmappe: 2010/748
Sakshandsamar: Sveinung Toft
Dato: 31.05.2010

Utvalssak nr.	Utval	Møtedato
146/10	Plan- og miljøutvalet	16.06.2010

Søknad om løyve til Dyrkolbotn Kraftverk, høyring

Saksdokument vedlagt:

Konsesjonssøknad stempla motteke 20.04.2010

Saksdokument ikkje vedlagt:

Konsesjonssøknaden sine vedlegg

Brev frå NVE stempla motteke 20.04.2010

Saksutgreiing:

Saka går til uttale til NVE frå plan- og miljøutvalet.

Noregs vassdrags- og energidirektorat (NVE) har i brev stempla motteke 20.04.2010 sendt over søknad frå Nipo Kraft AS, datert 5.4.2010 om løyve til å etablera Dyrkolbotn Kraftverk i Romarheimsdalen. Inntaket til kraftverket er Botnaelva på kote 344, litt sør for utosen, og sjølve kraftstasjonen skal etablerast på kote 212 nede i dalen der Botnaelva og Nordelva møtes. Installert yting vil vera på om lag 2,7 MW og midlare årleg produksjon vert om lag 10,8 GWh. I søknaden vert det lagt opp til ei minstevassføring på 100 l/s heile året. Det skal byggjast ein veg på 120 meter fram til kraftstasjonen, og krafta skal koplast på ei eksisterande 22 kv-linje.

I konsesjonssøknaden vert prosjektet nærmare omtalt og det vert lagt ved rapport frå konsultentselskapet Bioreg AS, som omhandlar naturverdiar. Konklusjonen til føretaket er at tiltaket vil ha små negativ verknad for kartlagde naturverdiar i området. Det vert likevel tilrådd minstevassføring m.a. for å halda liv i insektlarvar, som igjen er viktige som mat for fugl og fisk. I tillegg vert det tilrådd bygging av predatorsikre hekkekassar for fossekallen på minst to stadar ved elva.

I kommuneplanen ligg området for det meste i landbruk, natur- og friluftsområde. Noko areal ligg innanfor regulert vegareal i samband med nybygd trase for E39. I Bontaelva på kote 303 er det eit inntak til mikrokraftverket Kjeldebekken. Dette kraftverket vart bygd tidleg på 2000-talet, og vart på grunn av sin storleik då unnateke for krav om konsesjonshandsaming. Det er ikkje knytt noko krav om minstevassføring forbi dette inntaket.

Lindås kommune har i e.post dagsett 25. mai 2010 fått utsett frist til 25.juni til å koma med merknad til søknaden.

Vurdering:

Søknaden skal handsamast etter vassressurslova sitt kap 3, og kommunen skal då gje uttale til NVE. Tiltaket ligg for det meste i LNF-område, og administrasjonen kan ikkje sjå at det ligg føre tungtvegande grunnar til å gå i mot omsøkt regulering. Ein vil likevel påpeike at det kan vera føremålsteneleg å vurdere å leggja inntaksbassenget på kote 343, (1 meter under omsøkt kotenivå på 344) slik at inntaksarrangementet kjem nedanfor det rolege elvepartiet som pregar elva frå osen ved Botnavatnet og ned til omsøkt inntak. Administrasjonen vil vektleggja at ei slik alternativ plassering like nedanfor omsøkt stad, også vil redusera den visuelle kontakten mellom inntaksarrangementet og området ved osen og stranda sør for

Botnavatnet. Dette er eit område som er mykje nytta til rekreasjon og anna opphald knytt til friluftsliv. Faren for eventuell oppstuvning av vatn oppover elva ved flomsituasjonar, vil og verta redusert om inntaket vert flytta nokre meter lenger ned i vassdraget.

Administrasjonen har vurdert om ei minstevassføring på 100 liter per sekund kan akseptast i høve dei verknadane det vil ha for kvaliteten til vassdraget som økosystem og for friluftslivet, samt for landskapskvaliteten det er å ha eit fritt rennande vassdrag frå Botnavatnet og ned til Nordelva. Administrasjonen vel her å vektleggja rapporten frå Bioreg AS, som meiner at utbygginga ikkje kan reknast som meir enn lite/middels negativ. Ein vil likevel be NVE om å vurdere nivået på minstevassføringa nærmare i samband med den vidare konsesjonshandsaminga.

Administrasjonen vil påpeike at mikrokraftverket Kjeldebekken har ein inntaksdam på om lag kote 303, og at det her går eit 500 mmm PE-røyr ned til mikrokraftverket på kote 223. Sidan det ikkje er knytt noko minstevassføringskrav forbi dette inntaket, meiner administrasjonen at det er viktig å sikra at det vert same krav til minstevassføring forbi denne inntaksdammen også, slik at elva kan oppretthalda ein viss produksjonen av botndyr også nedanfor denne staden, samt får oppretthalde den miljøkvaliteten det er ved at det vert litt rennande vatn på heile strekninga.

Vurdering av miljøkonsekvensar:

Dette er vurdert i samband med konsesjonssøknaden i rapport 2007:19 av konsultentselskapet Bioreg AS. I deira rapport vert det konkludert med at området er prega av mange nye inngrep, og at det planlagde tiltaket vil gje " lite/middels negativ omfang for påviste naturverdiar."

Rådmannen gjer slikt framlegg til vedtak:

Plan- og miljøutvalet ber av omsyn til eventuelle ulemper at NVE vurderer å flytta inntaksdammen ned til kote 343, samt at det vert sett vilkår om minstevassføring også forbi inntaksdammen til kraftverket Kjeldebekken.

Vidare ber ein om at nivået på minstevassføringa vert vurdert nærmare i den vidare konsesjonshandsaminga.

Handsaming i Plan- og miljøutvalet - 16.06.2010

Rådmannen sitt framlegg vert samrøystes vedteke.

Vedtak i Plan- og miljøutvalet - 16.06.2010

Rådmannen sitt framlegg er vedteke.

